



Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy,
Displaced Persons and Refugees

Broj: 13-30-17732-1/25
Sarajevo, 13.10.2025. godine

Na osnovu čl. 56. i 70. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05), člana 39. Zakona o zaštiti ličnih podataka („Službeni glasnik Bosne i Hercegovine“, broj: 12/25) i člana 54. stav (3) Pravilnika o unutrašnjoj organizaciji Ministarstva za rad, socijalnu politiku, raseljena lica i izbjeglice Kantona Sarajevo („Službene novine Kantona Sarajevo“, br. 32/22, 37/22, 42/23, 51/23 i 18/25), ministrica za rad, socijalnu politiku, raseljena lica i izbjeglice Kantona Sarajevo, donosi

RJEŠENJE

I

Imenuje se državna službenica Nidžara Zekić, diplomirana pravnica, raspoređena na radno mjesto stručni saradnik za reforme i praćenje međunarodnih dokumenata iz oblasti rada u Sektoru za rad i zapošljavanje Ministarstva za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo), za službenika za zaštitu ličnih podataka u Ministarstvu za rad, socijalnu politiku, raseljena lica i izbjeglice Kantona Sarajevo.

II

Imenovana obavlja sljedeće zadatke:

- informiranje i savjetovanje kontrolora podataka ili obrađivača i zaposlenih koji obavljaju obradu o njihovim obavezama iz Zakona o zaštiti ličnih podataka („Službeni glasnik BiH“, broj: 12/25) (u daljem tekstu: Zakon) i drugih zakona kojima se propisuje zaštita ličnih podataka;
- praćenje poštivanja Zakona i drugih zakona kojima se propisuje zaštita ličnih podataka, kao i politika kontrolora podataka ili obrađivača u vezi sa zaštitom ličnih podataka, uključujući i podjelu odgovornosti, podizanje svijesti i osposobljavanje zaposlenih koji učestvuju u radnjama obrade, kao i s tim povezanim revizijama;
- pružanje savjeta, kada je to zatraženo, u vezi s procjenom uticaja na zaštitu ličnih podataka i praćenje njenog izvršavanja u skladu s članom 37. Zakona;
- saradnja s Agencijom za zaštitu ličnih podataka u Bosni i Hercegovini (u daljem tekstu: Agencija);
- djelovanje kao kontakt-tačka za Agenciju o pitanjima koja se tiču obrade, što uključuje i prethodno savjetovanje iz člana 38. Zakona, te savjetovanje, po potrebi, o svim drugim pitanjima.

III

Službenik za zaštitu ličnih podataka prilikom obavljanja svojih zadataka vodi računa o riziku povezanim s radnjom obrade i uzima u obzir prirodu, obim, kontekst i svrhe obrade.

IV

Ovim rješenjem stavlja se van snage Rješenje broj: 13-30-17732/25 od 29.04.2025. godine.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

V

Ovo rješenje stupa na snagu danom donošenja.

Obrazloženje

Zakon o zaštiti ličnih podataka („Službeni glasnik BiH“ broj:12/25) (u daljem tekstu: Zakon) je objavljen 28.02.2025. godine. Zakon je stupio na snagu osmog dana od dana objavljivanja, a počeo se primjenjivati nakon isteka 210 dana od dana stupanja na snagu, što znači da je njegova primjena započela 04.10.2025. godine. Odgađanje primjene Zakona omogućilo je kontrolorima i obrađivačima da, prije primjene usklade svoje obaveze, u mjeri u kojoj je to moguće. Jedna od prvih obaveza za kontrolore i obrađivače je bila i imenovanje službenika za zaštitu ličnih podataka u javnim organima (članovi od 39. do 41.)

Shodno navedenom, Agencija je od svih organa uprave zatražila imenovanje službenika za zaštitu ličnih podataka, sa svim potrebnim podacima. Ministarstvo je Rješenjem broj: 13-30-17732/25 od 29.04.2025. godine imenovalo Aldinu Šantić Zeba, za službenika za zaštitu ličnih podataka.

Stav Agencije je da službenik za zaštitu ličnih podataka ne može biti šef odjeljenja, pomoćnik ministra, sekretar Ministarstva niti rukovodilac organa državne službe, jer se isto može smatrati sukobom interesa.

Kako je državna službenica Aldina Šantić Zeba, nakon imenovanja za službenika za zaštitu ličnih podataka, dana 01.06.2025. godine imenovana za šefa Odjeljenja za pravne poslove u Sektoru za pravne poslove i nadzor ovog ministarstva, to je bilo potrebno da se imenuje drugi državni službenik za zaštitu ličnih podataka.

Shodno navedenom, u skladu sa čl. 56. i 70. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), člana 39. Zakona o zaštiti ličnih podataka („Službeni glasnik BiH“, broj: 12/25), člana 54. stav (3) Pravilnika o unutrašnjoj organizaciji Ministarstva za rad, socijalnu politiku, raseljena lica i izbjeglice Kantona Sarajevo („Službene novine Kantona Sarajevo“, br. 32/22, 37/22, 42/23, 51/23 i 18/25), riješeno je kao u dispozitivu ovog rješenja.

Pouka o pravnom lijeku:

Protiv ovog rješenja dozvoljena je žalba Odboru državne službe za žalbe Federacije Bosne i Hercegovine, u roku od 15 dana od dana prijema.



Dostaviti:

1. Imenovanoj,
2. Razrješenj,
3. Agencija za zaštitu ličnih podataka u Bosni i Hercegovini
Ul. Dubrovačka broj 6,71000 Sarajevo
4. U spis,
5. a/a.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba